

銀一百五十九萬二千五百三十三兩。較原合同似有進步。惟原定直隸山東江蘇三省釐稅。係因原勘路線經過地方而設。現在取道安徽。應將安徽省併列三省之內。以昭平允。茲將續借款分年新增抵押銀數。列表附呈。擬請仍按直隸山東江蘇釐金局。江甯淮安關。及安徽省釐稅。由貴部分別指定應攤數目。電致各省。一律遵照辦理。迅即賜覆。以便與該公司等商定。現在工款已罄。比兩月來。均係騰挪移借。勢難久延。務希從速核覆。不勝企盼。一俟各事商定。當擬合同草底。送請貴部及外務部鑒核。以憑具奏。云云。

### 直隸京官力駁張翼之謬說

(爲開平礦產事)

直督陳夔龍。籌議舉辦公債。贖回開平礦產一案。已詳載前期彙錄中。當時京堂張翼忽不以爲然。具摺力爭。以責認副約爲有利。以給款收回爲受害。其說甚辨。直隸京官咸嫉其邪謬。特具呈都察院。請爲代奏。其文如下。

記載第三 中國時事彙錄

竊以開平礦產。自經外人驅佔。於茲十年。權利坐失。幸荷朝廷主持。飭令相機籌辦。一年以來。竭力交涉。聞漸有收回之議。所以仰副 先朝諭旨而挽回國家主權者。至重且鉅。凡屬士民。無不額手稱慶。亟願早日觀成。乃昨見報章。張京堂翼密上封奏。其內容仍係固執私見。迴護前失。以責認副約爲有利。而以給款收回爲受害。聞之曷勝詫異。伏查開平礦產。原爲軍國要需。庚子拳亂。張京堂翼委任德瓊琳。與英商私立賣約。繼復自立移交約副約。舉數十里之礦產。並秦王島口岸。以及各項權利。悉數移交外人掌管。其約中載明按照英律註冊。是不特地利盡失。卽國家主權。亦因以多所放棄。事後入奏。冒稱中外合辦。並不提該約一字。迨赴英控訴。朝旨責令收回。而張竟責認副約。核其副約文義。係承接移交約。又係承接賣約而成。故英公堂判詞。聲明副約應與移交約作一件看。名雖得直。而實則爲賣約加一層案據。其去收回之義更遠。況副約中所謂張翼仍充該礦督辦。有管理一切之權者。

二百八十七

庚戌

英之公堂亦并此而駁之。是其謂中外合辦者。不過為掩飾賣約之空文。如此而言副約之利。其將誰欺。再查開平苗線。據辛丑年英公司礦師胡華刊本報告書。內載就現在所開唐山西山林西三井口估計。已確見可採之煤一萬萬噸。按每年出煤一百二十萬噸。計足供八十餘年之採取。而在此三井口之外。尚有煤二萬二千五百萬噸等語。現即以已有井口煤數一萬萬噸。每噸按極少獲淨利一元。已可收一萬萬元之餘利。此外如添開井口。更有可採之煤二萬二千五百萬噸。其利更增二萬萬元以外。是其煤苗孕蓄之豐富。固無可疑議者。且其機器力量。英公司近年添換電力機。係一千五百匹馬力者四副。比現在需用之力。尚二倍有餘。是採煤工作。又無可顧慮者。至論銷路。以煤之成色。及運道交通二者為主。查開平煤質。塊煤以九槽為最。末煤以西井一號為最。十二槽八槽次之。經化學師平均考驗。末煤百分中僅有土質十五六分。塊煤僅有十分上下。且火堅焰長。堪煉上等焦炭。足供鑄鐵

煉鋼之用。日本所產煤質。尚較遜之。即中國沿江沿海。如膠海撫順等煤質。亦無足與相埒者。故開平煤久為火車輪船機廠所歡迎。而其運道。出海最近。東至秦王島。僅二百六十餘里。西至塘沽。僅一百六十餘里。且自有碼頭。凡天津新河塘沽秦王島上海煙臺營口香港廣州。共計九大河匯歸之處。由天津分運內地。航路四通八達。尤為利便。是以成色論。日本煤撫順煤不能與之敵。以交通論。井陘臨城福公司保晉公司澤縣等礦。均不能與之爭。如此則銷路又無可慮者。故開平所占天然優勝。在五大洲。可稱巨擘。西人之遊歷中國。著作論說。多豔稱之。此猶就煤之一件而論。若其附屬之產業。如輪船。如碼頭。如地畝。如金礦等股分。總計所值。又達四五百萬兩。尚不在此內。故開平股票。在未交涉以前。每鎊漲至十九兩零。合股票價值銀一千九百餘萬兩。現雖因有信交回。股價稍落。至十四兩零。仍合值一千四百餘萬兩。以此美產委棄外

人而日事憂貧。殊爲可惜。如能乘機收回。將來無論歸官辦。或交商辦。皆有百利而無一害。至其辦法。若宗保守主義。照英公司每年出一百二十萬噸。餘利少者一百數十萬元。多至二百萬元以外。除備償本息外。每年可坐獲贏餘三五十萬元。若宗擴張主義。以開平爲基礎。聯合濼礦。集大公司。開相連一帶之礦產。則更富國遠圖。況秦王島爲北方不凍口岸。運輸利便。尤爲興辦海軍重要之地。倘使權不我屬。坐失形勝。噫。臍何追。是其所言給款收回之害。又將誰欺。公理所在。事實可徵。此乃人人所共見。張久辦礦務。又何嘗不洞悉底蘊。而必爲此明知故昧。顛倒是非。無非欲發惑上聽。以遂其從中攘利之私。而掩其前此欺朦之罪。且此案爲中外所注目。張以辦理礦務之人。因受欺騙而私賣國家疆土產業。所幸。朝廷始終並未承認其事。此次與英外部據理力爭。卽本此爲根據。正宜上下內外。合力同心。以資抵抗而冀成功。云云。

### 東三省籌借外債記聞

記載第三 中國時事彙錄

東督錫良。爲振興東三省一切政務實業起見。前與美國麻細和勒公司代表員司德雷君。會商借款辦法。該公司允借銀一千萬兩。已訂草合同。其內容借款共額一千萬兩。期限二十年。行息年五釐。折算每百付九十五。而以東三省歲入爲抵。聞政府頗不贊成。故該借款草約。尙未簽押。現麻細和勒公司代表。暫住京靜候云。

吉撫陳昭常。前日呈遞密奏一件。其內容大致謂吉省財政困難。已達極點。而各項要政。尤萬難緩行。再四籌商。擬借外債二千萬。專爲興辦各項實業之用。查德人巴士。來華當差已久。二十年前。由北洋借調來吉。令其親赴各國。糾合資本。以圖集事。現正著手籌辦。將來如有成效。或投資或借款均可。此項章程條約。自當悉心釐訂。擬以千萬儲爲中國銀號。及合資礦本。以千萬分營其他林礦諸要政。吉林據東三省之中樞。礦產豐富。尤爲彼族所覬覦。迭經派員設法。招集富商巨賈。來吉承辦。惟華人資本薄弱。而吉林礦產無窮。東西強鄰。挾其國資。相逼而來。成擬取